

ostendat. in Opidum Ubiorum, in quo genita erat, veteranos Coloniamque deduci imperat, cui nomen inditum ex vocabulo ipsius. Ac forte acciderat, ut eam gentem Rheno transgressam Avus eius Agrippa in fidem acciperet. Ergo utrumque nomen Agrippina & Colonia huic urbi ab Agrippina muliere datum est atque ex eo tempore Colonia Agrippina, Cives vero Agrippinenses dici coeperunt. Romanorum deinde viribus sensim contritis ac debilitatis: Galli, Childerico Rege ductore, anno Domini ccccxi i iis omnibus profligatis & pulsas Coloniam vi occuparunt, eamque ad Ottonis i tempora suis habenis moderati sunt. At vero anno cccxlx Otto Imperator Aug. Coloniam armorum strepitu Francis ereptam, Romano Imperio reddidit. A quo tempore in hodiernum usque diem, libera Imperialis Civitas existit. Urbs ad sinistram Rheni ripam sita, ambitu magna, forma primum quadrata, nunc semilunari, visu pulchra, splendore & elegantia excellens, Templis celebris, Aedium pulcherrimarum frequentia nitidissime culta, Plateis Vicisque insignis, Hortis Pomariisque hilaris, Mœnibus Turribusque valida, duplici fossa cincta, Civibus plena, Mercatorum commerciis dives, Mechanicis Artibus nobilis, Academia & studiis liberalibus illustris, atque opulentia sua plerisque Germaniæ Civitatibus anteponenda. Novesium, aliis Noveſum, Nueſum Ptolemæo: Maliano Nussia, vulgo Nys, insigne Diœcesios Coloniensis Opidum, iv Milliaribus ab Agrippinensi Colonia distans. Tacitus Legionum gentem, Vbus proximam constituit & in ea Novesium. Hæc urbs a primordio secundis Rheni fluctibus irrigata, sinistram situ latus illustravit, donec Fortuna minus propitia, alveum Rheni immutans, urbemque non longo spacio adspiciens, brachium ejus usibus reliquerit. Sunt præterea in hac Diœcesi Opida & Civitates aliquot egregiæ, utpote Andernacum, cujus meminit Ammianus qui sub Iuliano Cæsare militavit, vocatque Antennacum, habet autem situm amœnum juxta Rhenum & inter Montēs. Bonnâ sita in planicie amœna, ubi montes Rhenenses qui a BINGIO descendunt Rhenumque includunt in planiciem evanescunt. Soncina, non ignobile Opidum, & Brûla vicus. In Episcopatu Coloniensi Præfecturæ decem Arnsberch, Fredeborch, Bylstein prope Bîlen ad Ortum Medebach, Fredehardeskirchen, Hoveſtatt, V Verle, Nehem, Balve. Dominia Wildenborch, Homberg, Hachnberg, Hardenberg. Colonia porro Urbis Politia florentē Reipublicę Romanę gubernationem adprime refert. Etenim si Consulum, Proconsulum, Censorum, Tribunorum, Vigilum, Quæstorum, Annorū Præfectorum dignitatem consideres, si rectum & inflexibilem Iustitiæ Baculum, Fascium loco uti vulgo existimatur, receptum: si Tribuum Ordines: si Civilem Senatorum Auctoritatem observes, quasi effigiem & vivum quoddam Simulachrum Romanæ Urbis, hanc Agrippinensem videbis Rempublicam: ut non immerito, nativo quodam Iure, Romanorum dicatur Colonia. Sed hæc hæcenus, ad alia transeamus.

G c c

In hac

Ratio gubernandi.